

## Von guten Zu den Ohren.

Item/so einem die Orakel / das ist ein klei-  
nes Würmlein / oder Ohrholter genant / in  
ein Ohr käme / das ein Menschen wol tödten  
mag / so nimm Salarmoniacki, vnd zertreibe  
das in lauterm Wasser / daß es darinn zer-  
gehe / vnd nim denn das Wasser / vnd laß ein  
Tropffen in das Ohr fallen / so stirbt die  
Ohrakel davon / darnach gehet sie herfür / so  
zeucht man sie denn mit einem Glusenkno-  
pff heraus.

## Zu dem Gehör.

Nim Frauenmilch / vnd wer die beste  
so ein Frau in zweyen Wochen eines Kinds  
genesen were / vnd nim Hirschwurck / die wa-  
sche schön / vnd stoß es / vnd druck es durch ein  
Tuch mit der Milch / vnd trieffe es denn in  
die Ohren / drey oder vier Tropffen / ein Tag  
oder vier / so wird / der vbel gehört / wol hören.

## Geschwulst hinder den Ohren.

Item / nim Nesselblätter vnd Saltz /  
vnd stoß die in einem Mörselstein / mache  
Pflaster davon / vñ leg es vber die Geschwulst  
hinder den Ohren / es vergehet ihm / es sey alt  
oder jung.

Zu